

TRUK DISTRICT LEGISLATURE

RUWE-ME-PISUWEN MWIICHENAP, AEWIN MWIICH ATAPWANAPWAN, 1978

NAMOPUNG NO. 27-1-20

EW NAMOPUNG

A forsefaani Itenap 21 me non ewe Truk District Code ren fan asengessin an ewe Legislature non ewe Truk District Legislature Charter minen noomw, epwe ekkesiwin ngeni ewe Legislature non ewe minefoon Chater an Muun Chuuk, a pwan awora aninisin monun ewe Legislature woon ukukun \$1,500 emon ew ier, pwan awora ukukun \$10,500, me pwan ren ekkoch popun.

EPWE PUNG ME REN EWE TRUK DISTRICT LEGISLATURE PWE:

Tetten 1. Sapun 3, Itenap 21 me non ewe Truk District Code, Tufichin Wiis Ren Legislator, iei a katano.

Tetten 2. Sapun 5, Itenap 21 me non ewe Truk District Code, Niwlin, iei a katano.

Tetten 3. Sapun 7, Itenap 21 me non ewe Truk District Code, Repot Ngeni Noun Aramas, iei a katano.

Tetten 4. Tetten 906, Sapun 37, Itenap 21 me non ewe Truk District Code, iei a ekkesiwin, epwe iei usun:

"Tetten 906. Ewe Speaker iei a mumu ngeni an epwe okkunou ewe District Treasurer an epwe awora per diem non aukukun niwinin per diem Muun Trust Territory mei aea, pwan niwinin uwa. Epwe wor risiten niwinin an sai epwe pwarata ukukun moni mei nap seni ukukun noun per diem, iwe ewe Speaker epwe okkunou ewe District Treasurer an epwe monsefaani ewe ukukun moni ewe aramas a nussuno woon mei pwarata me non risit, mei nap seni noun we per diem a angei. Fatenoon ika ewe aramas epwe tongeni angei ewe ukukun moni epwe kapunguno me ren ewe Speaker."

Tetten 5. Iei a mumuta kaworen moni seni ewe Monienapen Truk District Legislature iteiten ier woon ukukun \$42,000 ren monien aninis woon ukukun \$1,500 emon ew ier ren monun ewe Legislature.


Tetten 6. Iei a kawor ukukun \$10,500, ika fite chok ukukun ren an epwe tongeni naaf, seni ewe Monienapen Truk District Legislature ren monien aninisin monun ewe Legislature woon ukukun \$1,500 emon ew ier ren fan asengessin angangen wiseer kewe non ewe aewin quarter non fiscal year 1979.

Tetten 7. Ei ukukun moni mei kawor non Tetten 6, epwe einet ngeni ewe District Treasurer an epwe tumunu fan iten ewe Speaker pwe nounoun ewe moni epwe chok fiti metewe popun mei affat non Tetten 6, esap pwan wor epwe katou epwe napseni ewe ukukun mei kawor. Meet ukukun ei moni mei kawor esemwo mwokut ika nounou tori December 31, 1978, epwe niwinsefaan ngeni ewe Monienapen Truk District Legislature.


Tetten 8. Ewe Speaker epwe awora an repot ngeni ewe Truk District Legisla-
ture me mwen January 15, 1978, epwe affatatiw napanapen nounoun ewe moni mei affat
non Tetten 6, pwan affatatiw ukukun nussun ewe moni mei wor non December 31, 1978.

Tetten 9. Ei Namopung epwe poputa pochokunan non September 25, 1978, murin
an kapunguno me ren ewe Kepina, ika nupwen chok a pusin winiti ew annuk inamwo ika
esemwo kapunguno.

Annetata seni:


Datasi Albert
Legislative Clerk/Secretary
Truk District Legislature


Sain seni:


Koichi Sana, Speaker
Truk District Legislature

Pwinin maram:

May 24, 1978

A kapunguno seni:


Mitaro S. Danis
Kepina non Chuuk

Pwinin maram:

June 17, 1978